

同安縣志卷之十

壇廟

聖人以神道設教凡有功德於民者斯享其報
記曰能禦大災則祀之能捍大患則祀之同邑
山川百神設壇立廟由來已久他如聲靈赫濯
護國家庇人民亦所當敬非此族也不在祀典
志壇廟

社稷壇在縣治朝元門外明洪武元年建高三尺四
寸陛三級北向縱橫各二十二丈八尺繚以垣由

同安縣志

卷之十

壇廟

北門入石主埋於壇南去壇二丈五尺正統十四
年燬於寇成化戊戌知縣張遜重建官廳三門前
樓三間走廊六間齋所神廚三間神庫三間旁屋
三間內外垣凡一百三十丈後復壞正德元年知
縣李彰重建尋燬於寇知縣譚維鼎重建齋房三
間國朝仍壞雍正十年勅修建官廳一所於北
山川壇在縣治豐澤門外明洪武元年建南向四方
各二十二丈八尺制與社稷同但門由南入不用
石主正統間燬於寇成化戊戌知縣張遜重建後

復廢正德元年知縣李彰重建又廢 國朝雍正
十年 勅修

先農壇在縣治東郊 國朝雍正五年 勅建壇制
累石爲之高二尺寬二丈五尺壇正北室中奉先
農神牌外繚以垣門南向藉田四畝九分八釐不
別爲壇雍正十一年 詔有司歲于二月上戊日
致祭先嗇司嗇居正位東上餘六神稍後一尺分
設左右卽先農壇祀之

邑厲壇在縣治拱秀門外創建年月無可考壇制直
同安縣志 卷之十 壇廟 二
十二丈橫七丈二尺明成化戊戌知縣張遜重建
門樓一間官廳二間神廚三間正德元年知縣李
彰繚以周垣尋廢後復修葺 國朝屢有廢興今
僅存壇址餘地皆爲民居

里社鄉厲壇明舊制每里一百戶內立壇一所以祀
土穀之神立壇一所以祭無祀鬼神今俱廢

城隍廟在東市參將署左宋時卽有祀典明洪武二
年封顯佑伯初廟在城北嘉靖末邑令徐宗奭自
城北移建今所天啓甲子令李燦然重修 國朝

乾隆間令周岱明新復相繼修葺

關帝廟在縣前街原北向明知縣鮑際明稍加宏拓

後海氛墮城廟廢復改東向堪輿家謂不利於縣

署雍正初攝縣事郎文焯仍改北向各里有閨廟俱不復載祇

載此廟以昭祀典

天后宮在縣城朱紫門左蔡驥良天后宮記邑之有鎮神也城隍為之主而保

障一方不能無捍禦之助則東西朔南各有神以司之如天后者同之南關鎮鎭也舊祀於城之南

雖祀典弗載而邑之人咸尸祝焉蓋聲靈之赫由來尚矣而所最著者如前代戊午之禦侮

初戊子之解圍則不特錫福於民而且豎勲於與祀典之所謂禦災捍患者何多讓焉日以海

同安縣志 卷之十 壇廟 三

氛同之城圯而樓俱廢神弗獲栖遷於邑外雙溪

之南雖保障如故而于鎖鑰之司當扼要地則際

諸海晏河清之日金湯倍昔而不迎天后之駕旋

歸舊籍可乎哉惟神實取其衷而都人士乃更謀

所以迓神庥而壯廟宇者卜地鳩工僉呈邑宰而

問余序之竊撫世之盛也川嶽効靈百神受職天

后者莆之處女也生而靈異世傳其機上假寐能

行精氣拯其父於波濤洶湧之際是處女而孝子

也古者求忠臣必於孝子之門則其歿為明神而庇民護國為一方之保障又奚疑焉我朝崇德

報功猶褒美而寵異之苟其此都人士檀樾有主則凡膺民社之寄者其孰不如出一手以襄事而

凡生聚教誨於斯士者又孰不踴躍赴功而惜此陀那鉢底物哉南關舊鎮神式臨之是為序

東嶽行宮在縣東三里官道北唐薛令之建明成化

丙申知縣張遜重建萬歷壬子知縣李春開重修

蘇公祠在文廟之右宋紹興中朱子簿同時始建於教思堂後歷元明孔張諸邑令俱經重興改建皆在明倫堂左之前後嘉靖初祠像蕪沒巡按蘇信命郡推譚鏞建於今所 國朝康熙三十七年火災祠廢雍正九年仍復乾隆閒重修互見學校

朱子祠在學宮之左宋嘉定閒邑令毛當時始建比元而廢至正十年令孔公俊擇學東偏重建復毀於寇明洪武七年邑令呂復於學西建 聖殿殿西建祠後尋廢正德閒令趙汝弼又就毛當時舊

同安縣志

卷之十

壇廟

四

址重建 國朝海氛傾廢康熙元年教諭陳輝祖復捐構雍正末圯於水令唐孝本重修乾隆五十八年紳士高以彰童浚德楊宗潮倡脩互見學校忠義節孝二祠在名宦鄉賢二祠西北 國朝雍正四年 勅建乾隆三十二年重脩互見學校

馬明王廟在小西門內演武廳左與關帝火神同祀 國朝乾隆六年參將董欽知縣周岱建

真君廟在東嶽行宮左祀白礁吳本顏蘭吳真君記吳真人者諱本同之白礁人也其先人世積厥德聖父諱通協成元君聖母玉華大增脩前殿馨聞上穹宋太平

興國已卯三月十四夜聖母將媿夢長素道人五
老慶誕二台列精南陵使者北斗星君護童子至
寢門內曰是紫薇神人也越辰誕公公生而穎異
有慈婆惻世之心年十七遊名山遇異人泛槎水
中招公同往公欣然登舟聽其所之忽見高峯亭
峙風景異常乃崑崙也公攝衣陟絕頂見西王母
畱宿七日授以神方濟世驅魔逐邪之術歸倏然
至家遂覺悟脩真不受室不縻爵說法雲遊天下
過桑林見一白骨檢之失左腿以柳枝代之呪水
化之成形起立泣尋其主公收為童子從公遊途
逢同安知縣江儒官見而怪曰是吾僕也向謂死
於虎矣猶幸存乎公告以故儒官訝之白於大吏
亦疑其荒唐詰公曰子能活之果能實之乎公起
呪水化之童子仆地仍為白骨儒官感而信之欲
解綬於主簿張聖者以從公聖者詢知其故悟曰
天下有此神人吾輩尚好爵沉溺凡緣乎乃同棄
官從公於白礁結草茅日講道學法怡如也公既
得二人從者日眾有黃醫官程真人鄞仙姑者亦

同安縣志

卷之十

壇廟

五

隨公雲遊煉丹救世凡諸疾病雖極沉痾奇形無
不立效仁宗明道元年漳泉旱民艱於食公毅然
監旗約以十日內挽米舟賑救屆期舟果至公隨
人給之貧者不計其值一郡聞公義舉紛沓叢至
日有百千人公願力廣大遣神人多挽米舟以給
闕月不匱二年漳泉又苦瘡虐有蜚尸魔王率一
千四百鬼衆行瘟公與儒官聖者召神兵逐鬼驅
雷擊死魔王呪水甦民活者不可勝計景祐六年
五月初二日公自白礁偕聖父聖母及聖妹吳明
媽妹夫王舍人白日昇天雞犬皆從鄉人見之列
香案以送公既登上界猶以凡閒氛塵未淨監觀
不忘屢有寇賊侵境水旱疾疫所禱必應高宗久
質於金思歸中原夜步月至崔子廟不得馬慮其
難脫聞廊下馬嘶遂乘去至江金將追之將及高
宗仰天祝焉忽見神兵沮禦露旛擁護高宗乃知
其為公紹興二十年頒誥立廟祀公於白礁蓋公
之祖廟也明太祖陳友諒戰於鄱陽湖颶風大作
友諒練舟流壓太祖戰比舟將沒見公在雲間旗

潘森布天遂反風回浪太祖得安及卽位感公之德洪武五年勅封旻天御史醫靈真君永樂太后患乳疾甚劇醫治不痊洪熙太子榜求名醫公化爲道士詣闕視疾太子問姓名與地公以實告白於太后太后羞見公公口但於門外懸線診之可矣太后密令侍婢繫線於貓公診之曰非熊非羆乃貓兒也后又令繫門圈中公口是金木性非人脈也太后驚悟乃繫於乳公曰此乳疾也非灸不瘳太后不肯公曰但於屏外懸線灸之可矣從之遂愈太子喜以金謝公不受欲爵之乘白鶴而去太子知爲神醫爰加封爲萬壽無極保生大帝按莊夏慈濟宮碑言其卒於家故仙釋傳仍之惟此言其白日飛昇姑兩存其說以俟考

北鎮廟舊在縣治後巷北祀真武神明嘉靖閒城北

廟廢邑紳李春芳捐地改建於此萬歷癸未神見

同安縣志

卷之十

壇廟

六

夢於邑令倪凍於是里人李蘇二姓各捨宅旁地

開拓重建 國朝康熙雍正乾隆閒遞加脩葺

西鎮廟在縣西安橋之右前有亭

同山五顯廟在縣太師橋東里餘爲邑東鎮明萬歷

壬午年邑人陳以廉等重建左天后廟右觀音庵

昭應廟在龍岷村爲邑南鎮有穴深不可測相傳有

龍起於中宋乾道三年賜額明景泰癸酉年王簿

蔡遴捐俸令耆民陳孔贊重建

外北鎮廣利廟在北辰山唐末建宋熙寧八年封靜

應侯宣和七年封威顯隆慶元年加封昭護
十一年加封嘉定三年加封靈佑寶應二年
加封顯濟紹定二年以卻寇加封忠仁朱文公嘗
與同僚謁奠卽事賦詩於此

外東鎮廟在民安里十都乍畫山今廢

外西鎮廟在北辰山今廢

外南鎮廟在縣西南西安橋今廢

牧馬王廟作馬牧王廟在浯洲翔風里其神姓陳名

淵唐貞元間為閩馬監馬大蕃息後歿鄉人祀之

同安縣志

卷之十

壇廟

七

能顯靈為民禦災捍患 勅封福祐聖侯賜廟額

李濟

豪山廟在縣南仁德里馬鞍山麓宋主簿朱熹郡守

真德秀先後禱雨皆有應又常顯靈禦寇宗寧閒

建廟淳熙嘉定咸淳相繼修明成化丙申夏旱知

縣張遜禱之甘雨立至重修其廟尋復廢沒里人

又葺宋王明叟豪山廟碑記祭法山林川谷能出

祀之能禦六患則祀之非此族也不在祀典同安

縣東南二十餘里曰豪嶺嶺最遠又南一里曰豪
山山最遠而大其神必靈山之巔有龍潭天將
龍擊水聲如鐘磬時有蟹五色出潭傍山之麓故

有祠雨陽禱輒應崇寧二年詔天下名山大川有
功于民者聽所在縣邑立廟攝令趙君文仲奉詔
書始令三都立剝度材鳩工廟成而以泰山初朱
文公主邑簿嘗詣祠禱雨立至淳熙十一年春夏
旱令鄭侯公顯祭於潭是夕雷電交作俄大雨霖
紹定癸巳四月不雨西山真公遣吏謁其詞曰豪
山有潭神龍宅焉昔在淳熙有令嘗禱雨於是隨
獲甘霖屬在旱暵宜抗忱請德秀以誠籲之秀弗
克躬造而命官往焉謹拜於庭爰致悃悃伏願油
然而雲興沛然而雨霖以彰我龍君之神靈越二
日雨明年端平甲午六月不雨守竹湖李公修真
公故事未幾大雨遣吏謁謝如初其詞曰近遣屬
吏款謁龍潭興雲致雨隨禱隨應龍之靈至矣哉
所謂能出雲為風雨見怪物者非與豪嶺亭溪間
林薄陰翳虎豹所穴民有王姓者父子同時為虎
所傷號訴於神募善射者一命中之迄今無虎患
先是秋疫熾病者十室六七夏蝗蔽天食苗幾赭
獨近廟數十里人無札瘡蝗不害稼白桐嶺與漳

壇廟

同安縣志

卷之十

八

接巖巖出沒不常紹興庚寅陳三搶掠永春撤德
化遂掀長泰距境纔二十里居民賴神以安所謂
能禦災捍患者非與此於法宜在祀典廟建於崇
寧癸未淳熙戊申新之修于嘉定甲申咸淳丙寅
重修之前殿巍巍寢殿奕奕三門崇崇眎舊加倍
於是瑞應等請書其事明叟為諸侯得祭其境內
之山川故請於令尹陳侯請以其事上之部使者
而聞于朝以昭神之功烈是役捐金倡之者某官
謝某某官康某將仕郎趙某董其事者鄭瑞應林
元煥楊文強既竣事合樂以落成之乃歌而侑之
歌曰龍之居兮山之湫湫之水兮幽幽遲龍君兮
未來嗟愁予兮悠悠龍之來兮山下挾風雷兮驅
雨神功兮無蹟田多稼兮原多黍驅癘鬼兮山阿
蛇不入境兮虎度河牛羊兮滿野戴白兮不識干
戈新宮兮孔碩湛清酌兮瑤席
神欣欣兮忘歸庇我民兮罔極

靈感廟在縣東南三十餘里宋淳祐中賜額鄉有水

旱疾疫禱之輒應

慈濟宮在縣西南積善里之白礁其神姓吳名本故居於此以醫灸濟人明驗如神及卒鄉人祀之永旱灾禱與凡禍患禱無不應宋乾道二年賜額慈濟淳祐元年改賜慈濟宮十五年封顯佑真人保佑五年封守道真人加封廣惠景定五年封福善真人咸淳二年封孚惠真人德祐元年封普祐真人若明初勅立廟於京師永樂七年封萬壽無極大帝廿二年封保生大帝其事蹟已詳見真君廟

同安縣志

卷之十

壇廟

九

三忠宮在縣東洪塘上七里大道之旁祀宋文天祥陸秀夫張世傑蓋張陸二先生過此而文丞相後駐霞漳故彙祀之後爲營兵牧馬蹂躪殆盡國朝康熙癸巳知縣朱奇珍捐俸建屋二椽延僧奉香火仍蠲其地保夫額以充祠費

東山廟在感化里山兜保文公堤下距城北二里許明宏治癸未邑令李彰建以祀護國尊王

義娘廟在東嶽高文嶺上義娘鷺人也

觚贖作王氏同文集作侯

氏順治時爲寇所掠給騎士躍入井騎士怒發天

中其肩而去越數年有村民蘇姓夢義娘訴狀遂
求之井得屍拔箭殞於井側復夢義娘乞香火於
此因爲立廟時有病者得井水飲卽愈自後有禱
輒應鄉人肖像祀之前陞令周岱張荃相繼建修
延福堂在從順里瑤江村距城南七里許明聖人戶
部郎中林挺倡建崇祀真武時顯靈異庇護居民
相傳海中舟楫顛危時向北呼之則有光如炬船
藉以安 國朝順治十三年海賊陳霸竊據丙洲
內地居民皆被擄掠屢欲至村行劫未入境卽見

同安縣志

卷之十

壇廟

十

有旗幟招搖及人馬辟易聲賊疑有備輒望風引
去乃知爲神佑康熙初靖海侯施琅初征臺時曾
宿於廟馬穢汚其宮是夜馬足高懸號鳴不止琅
度懇乃寧因默禱師行得捷願更新廟宇後凱旋
捐俸重建康熙四十四年左都督阮欽復捐俸修
葺乾隆二十一年廟將就圯里人葉仰高募衆重
修癸未冬復與陳方璇倡建文昌祠於廟之右廡
上帝廟在草仔安祀元武帝稱曰水長上帝人所禱
者于潮生時卽應退則否故稱靈異

風神廟在廈門港玉沙雍正時勅建祀風伯之神

祖婆廟在廈門中營守備署邊祀武烈王

大使宮在塔仔街旁有石塔鐫泉南佛國四字其地明時爲海濱渡頭水至其下相傳其神爲水所浮來至此不去父老因相與立廟祀之卽唐之張巡許遠是也

萬壽宮在後崎尾明時所建祀天后真人二神

龍湫亭在廈廿一都離城二十餘里祀觀音大士靈應異常廟前有竇名龍湫

同安縣志

卷之十

壇廟

十一

媽祖宮在東澳社祀天后三月中鄉例慶天后誕先數日廈之諸廟必造其地名曰請香

上宮在廈島西門外祀天后 國朝將軍施琅平臺時禱神默相後軍中乏水祝之得泉凱旋捐俸勸募重建

觀音亭在廈島西門外祀觀音遷界後廟廢神託夢里人現毫光於其地因重建焉靈應異於他神

福壽宮在打鐵路頭左邊祀吳真人并天后二神卽

福山社

和鳳宮在鳳皇山下島美路頭街後祀吳真人并天
后二神卽和鳳社

懷德宮在石埕街頭祀天后真人二神卽懷德社

水仙宮在望高石下明建祀大禹伍員屈原項羽魯

班乾隆三十年里人捐一千五百金重修董事葉

德芳陳斐章秦靖國鄭國珍王振珪楊朝佐陳鴻

士葉高攀周高光許名揚陳時佐石日暉黃名香

國朝陳邁倫水仙宮詩鷺門禹廟落成初勝景
層開接太虛斜磴人來懸壁上危亭日極大荒餘
近城煙雨千家市繞岸風檣百貨居
澤國久無烽火警一聲長嘯海天舒

同安縣志

卷之十

壇廟

十三

鳳山廟在安仁十五都鳳山距縣五十里相傳明時

設驛有四川灌江口人爲丞於此奉一二郎神爐

并一獵犬後丞歿遭兵驛廢神爐棄道旁犬戀戀

不離爐側忽一日銜爐到鳳山臥守不去鄉人異

之爲築小菴於其地以奉香火犬乃不知所之後

屢著靈驗鄉人鳩衆建廟不知其像神現夢於耆

老曰明日某時有官過此卽予像也至期果有世

職指揮大使過其地少年美儀容遂塑像肖之呼

爲大使公後增塑二使三使像於左右獵犬亦塑

香案下

通利廟在民安里馬家巷距縣三十里朱子簿同時
過此曰五百年後必爲通利之所里人因此建廟
故名廟地舊爲葉道士檀樾鄉里雕其像於堂左
祀之甚靈俗呼翁公祖

寺觀

自佛老之教行天下名山多爲巖寺同安依川
跨海名勝較多梵天禪寺洵邑內之巨觀始有
庵七十二後合爲一區朱子蒞茲土嘗遊咏其
閒留題刻石於今猶在其他化爲邱墟者勿論
矣有存焉者真足供騷人之憑眺匪第琳宮紺
宇徒侈觀瞻已也志寺觀

朝元觀在縣朝元門外俗呼小西門宋嘉熙間建元
至正甲午兵燬明洪武五年壬子道士陳一寧仍

同安縣志

卷之十

寺觀

古

故址建玉皇殿壬戌林嗣真建三清殿戊辰顧惠
實建元壇宮永樂癸巳道會施道明建法壇戊戌
夏邑令括蒼劉某禱雨於觀而應遂募衆重修已
亥冬邑令王某與道明共捐已貲卒其事嘉靖十
九年庚子重修 國朝乾隆丁卯邑令張荃募衆
修葺今此觀漸就傾圮前後左右觀地多被附近
居民侵佔

梵天寺在縣北大輪山創隋唐閒名興教寺有庵七
十二所宋熙寧中合爲一區改名梵天禪寺宋文

公爲題其法堂門曰神光不昧萬古嶽嶽入此門
來莫存知解元至正甲午山寇竊發燬于火明洪
武十年丁巳僧無爲重建 國朝寺頗傾圮僧實

韜元芳等亦相繼修葺 宋朱子書寢堂詩 翰盡王

租生理微老僧行乞暮還

歸空山日落無鐘鼓惟有虛堂蝙蝠飛 國朝未

奇珍登高詩公餘節日漫登高人地因緣快一遭秋意

已爲山點綴草根難藉石堅牢偶行靜室香畱住乞

得君醪醉不逃白髮在前兒侍側把萸焉用客心勞

同安縣志

卷之十

寺觀

業指地廣基陳以廉倡修 國朝順治閒劉霖任

繼葺乾隆閒知縣李芬明新鄒召南相繼捐倡鄉

著李敬陳賢劉運佳林仕楊等募化重修又於其

左建朱子祠并小臺數椽爲士子會文之所

大興寺在縣東佛子岡隋末莆田黃氏女結庵修行

坐化于此後人卽其地建寺舊名黃佛寺南唐保

大中改天興宋治平二年改鹿苑元泰定閒重建

復名天興明洪武永樂宏治閒僧志和戒感重修

後廢 國朝里民再建一座於天興城東門內乾

隆甲申署縣徐熊占重新

妙建庵在西安橋南與水南宮元壇宮爲宮司往來

憩息之所

西山巖寺在天龍山長松怪石映護法居天旱禱雨

輒應唐時建明萬歷辛亥邑令李春開捐金募修

建閣 國朝災於火僅葺數椽以蔽風雨今并傾

圯無存

明丁一中詩古寺西巖紫翠間獨移飛蓋入松關自知靈境遺探討空愧臺途數往

還碧澗暫時清客思白雲長日伴僧閑振衣更躡層峯頂天海青蒼照素顏劉存德詩龍宮掩映碧

雲閒南北高峯聳兩關絕壑風迴無鳥度斷爐火必有僧還青郵路接平蕪遠白社身隨化鶴閑極

目盡窺滄海外放歌聊以振頽顏

旁有紫雲洞

張金友記余家茲山下十數歲時讀

書僧室旁有紫雲洞無日不遊後往來京師又寄食僊邑而茲山不到者垂五十年丁亥致仕歸來

同安縣志

卷之十

寺觀

六

癸巳夏從友人重遊舊寺遙望紫雲步不能到迴首童時遊處不勝惓惓今勒餘情於石為茲山留

別之贈

真寂寺在安仁十二都夕陽山下初名義安唐宣宗

龍潛時與黃蘗禪師觀瀑吟詩於此登極後勅賜

今名五代刺史王延彬重建元至正中圯明洪武

辛未僧雪峯重修後廢墜今建僧殿一層左構一

小樓寺後怪石巍峩中有石洞澗外有小渚宣宗

至時浴焉詳見古蹟山川

明丁一中遊真寂寺詩翠華聞說駐空山石徑

攀蘿叩暮關觀瀑尚留歸海句澡身猶見浴龍灣浮雲世事終朝幻明月禪心萬古閒無那俗緣

未盡又隨斜月向塵寰何喬遠詩白龍花葉困衡
州又向南天汗漫遊隱蹟三年高坐侶空山千載
夕陽秋飛泉掛絕峯應改洗垢橋懸水尚
流匡坐終朝人到少潭雲林鳥兩悠悠

嘉福院在安仁十五都深青鋪二洪武閒僧少翁重
建

白虎巖寺在縣西南仁德里曩有白虎數為害巖僧
能制之一日僧與虎同時脫化邑人范方司爾發
林嘉采俱有題詠石壁鐫壁立朝天四大字萬歷
歲天柱書巖下田數畝年可收穀二十餘石珩頭
人捨入寺中

同安縣志

卷之十

寺觀

七

靈鷲巖寺在仁德里苧溪去白虎巖五里明池顯方
詩白虎與
斯地雙巖五里中溪光開別境樹影覆真空往代
碑遺址天然石作宮前峯仍有洞幽窈更無窮
今廢

金山寺在仁德里馬鞍山之陽一名後鎮殿宇高曠

祀慈濟真君有禱輒應寺前為廈島必經之道

國朝邑令徐名觀重修中殿乾隆三年唐令孝本
捐貲復興後殿壬午年里人建文昌祠於其右

會堂宮在仁德里蓮社中明進士林馥所建祀保生
大帝水旱疾疫禱之立應 國朝乾隆壬午里人

擴而更新之

智門院在縣南仁德十一都初名南峯元至正間改今名明洪武辛亥重修嘉靖廢 國朝乾隆乙亥年復興新建文昌祠於上

聖果院在縣南豪山西肇基於唐以泗洲名後因臘月生龍眼因名聖果院元鄉耆王西疇重新捐租一百二十石以作香燈之費仍構祠于西偏置田三十畝給僧住持元張仲復爲碑記之明邑人劉汝楠康爾韞皆讀書其閒

同安縣志

卷之十

寺觀

六

皇渡菴在仁德里蘇營南唐宣宗居邸時嘗渡於此里人有蘇公陳婆者畱宿菴中具雞黍宣宗登極屢召不就詔封蘇大夫職銜陳氏賢德夫人令爲築陂自苧溪上流沿山開鑿水道至蘇營十餘里灌田數百頃鄉人思其德春秋祀爲田祖大兵遷移蘇氏不知存亡外孫爲西塘張氏卽其舊居建祠奉祭而菴已廢

堤琳院在仁德里苧溪林壑深秀唐司勳石賡會居於此今建文昌祠於其右

慈雲巖寺在縣西南二十里聖水山宋端平年建亦

名端平巖刹下有井其泉從石中湧出名聖泉井

山之麓有孔在盤石中深尺餘積水不涸曰聖水

舊傳與海潮相通環巖大石壁立名人多題詠其

上明劉汝楠詩攜客清秋來古寺蒼蒼松桂滿叢

流幽洞靜碧蘿長掛翠微陰欲將石壁題詩遍祇

恐真源不可尋又拂曙環林鳥語斜陽繞寺蟬聲

晴空山翠仍入午院松風自生處世翻如大夢絆

人總是浮名還從野鶴高舉不負海鷗舊盟季春

芳和韻詩空山絕徑無人到與客探奇入遠林已

共煙霞為野逸更聞鐘磬發清音洞開峭壁堪雲

臥塔倚層霄落晝陰便欲乘

風陵紫極仙源重訪恐難尋

同安縣志

卷之十

寺觀

九

壽石巖寺在端平巖之石絕崖峭壁一石廓然天成

巨仄中可容百餘人前環小築數閒野樹元泉風

景幽絕

晃巖寺在慈汀保端山未建時山下人夜見放光萬

樹俱明以經稱佛光晃煜故名詳見古蹟明趙昂題晃巖

詩翠湧松濤十里聞楞嚴光下辨峯紋秋蘭被谷

靈均老繡佛開堂鹿墅分謝眺驚人詩絕頂鄴侯

仙骨鳥為羣村煙隴樹模糊裏自起攜鋤種白雲

許談詩好是離城十里閒蕭森秋氣共追攀雲邊

人轉長依樹林杪樓高不見山破竹迎泉分石乳

白

泗洲院在縣西北三里許唐勅賜明覺院宋封天乙
仙姑水旱癘疫有求輒應歲久漸頽 國朝乾隆
十四年貢生陳秉禮捐貲侶修

南洋院在斗拱山南舊名報恩歲久廢墜邑紳葉守
棻在院讀書重興左有石洞右有鳳山菴

開年寺在縣西北二十餘里明萬歷庚申庠生曾追
芳建周奇炤有詩曰燈與千村為日月溪無一刻
不風雷

西園院在古嶼保下官田明張協五捨地節婦林氏

同安縣志

卷之十

寺觀

曇瑞為尼建

水月室在古嶼保上官田邑人李姓所建

甘露寺在長興里村田唐時建 國朝僧無疑重修

寺在羣峯疊嶂之間左有觀音山聳秀霞霄朝陳國

輶章重遊甘露寺詩為憶春初挹翠嵐朝來乘輿
復登探千層峭壁螺尖簇百尺飛泉練影涵色帶
秋樹雲抹澹名傳古刹露垂甘憑
高極目情無限落葉蕭蕭點碧潭

雪山巖寺在長興三秀山下鵝髻山東名牛
皮巖

出朱巖寺距店頭鋪北里許詳見古蹟

南泉堂在同禾甲六都俗名草埔宮祀清水祖師共

神甚靈有禱輒應歲正月往彭巖進香四方從者以數千計

清水巖寺在東大帽之陽白雲山宋紹興三十一年建以祀昭應慈濟大師

普陀巖寺在翔風普陀山上山有兩崖其次崖爲明林希元讀書處

龍騰宮在翔風劉五店負山面海塑吳真人像其神赫濯有禱必應宮左右有旗鼓石前數百步又有石雙排海中狀如筭形名曰筭石

同安縣志

卷之十

寺觀

三

鼓鑼巖寺在翔風十四都其神爲古押遷官有功德於民者故歲時伏臘鄉民報賽不衰

后寮嶽在翔風十二都城場山後格頭三鄉之所司建

坡山菴在翔風十八都西埔一名東菴未詳建所自始甚莊嚴壯麗

寶月菴在金門城南又名南菴負誠面海

白鹿洞禪院在廈城東門外舊有大觀樓宛在洞接因亭乾隆癸未開再拓六合洞朝天洞銜山亭地

勢高聳洵為巨觀

國朝黃日紀中秋日過白鹿洞詩煙霞醺愛因成癖汗漫連

旬與趣長筇杖卓雲登法界山花黏屐帶秋香新池瀟細分泉眼占磬雲幽出道旁休恐歸遲樵逕

暇今宵月色倍清光

天界寺即醉仙巖在中左所東門里許中有巨石其

下有竅深二尺水挹復滿味甘可釀名為醴泉所

人池浴德集耆老為甃小井塑九仙祀之巖後有

長嘯洞

國朝黃日紀開關

黃日紀醴泉詩出山彈指廿餘年客夢頻

飛到醴泉重飲仙人一泓水靈機淪淨悟詩禪

正悟院在嘉禾二十二都五代僧徒煥所建宋明道

同安縣志

卷之十

寺觀

三

初改名靈龜宋末改今名

太平巖寺在萬石之東中巖之上有裂石鑄石笑二

字行數武又一大石鑄極樂天三字寺旁有小洞

可容數人水流其下巖舊時為鄭氏讀書所

萬石巖寺在中左東門外二里許沿澗上行數百步

磊石插天有象鼻峯一覽亭小桃源諸勝巖扉有

漁問二字郡人張瑞圖書

明黃克晦詩結伴遙尋太乙家峩峩萬石映孤

霞座中峯勢天西側衣上蘿陰石半斜風榭無人飄翠瓦雲巖有水浸苔花何年更駐蘇耽鶴靜閉

閉門共掃砂

方廣寺即雲頂巖在嘉禾洪濟山中一峯峭絕四面

環海上有觀日亭可望日出有雷雲洞明劉存德訪僧不遇

詩入定人何往飄然雲獨留無心成去住愧我自夷猶性曠隨麋適機疎共鳥休不期浮海外更得與天游

虎溪巖寺在白鹿洞之北寺左有稜層洞前有嘯風

亭後有飛鯨石上有石扶以石闌鐫摹天石三

大字明池顯方虎溪詩松間長榕各屈蟠諸峯起伏復多端過溪何止三人笑入洞方知六月

寒杯影頻移依怪石夕陽更愛倚闌干幾回餐得天風慣凡骨還應長羽翰

萬壽巖寺在陽臺山之東松林鬱茂後有巨石鐫無

同安縣志 卷之十 寺觀 三

量壽佛四大字左有石洞頗明亮塑普陀山一座

明吳楷詩一片瓦一片瓦造化陶鎔元不假營連上覆碧陵嶺會飯建周遭翠瀟灑巖壘塊狢獠頭

怪石仰昂鳥兔馬幾番風雨洗莓苔千古月華穿破房掬靈泉度盃竿金縷歌玉板鮮覽勝朋儕邀

我耍安得仙人王子喬一雙飛鳥遊天下國朝薛起鳳詩邱壑春晴蠟屐新重尋古寺不辭頻四

圍松影環雲戶一曲溪流赴海垠騷客仍逢前日主園丁猶識舊來賓林閒薄暮雲封逕宛為山靈

人款故

資福寺在縣南宋天聖閒建明洪武中重脩

石室寺在碧泉巖當普照寺右有泉一線從石流下

林太常字載鐫飛泉二大字于石壁今泉已竭寺

亦就荒

碧山巖有神室在廈門港海防署後左側始築小亭後僧慈惠漸次闢之

中巖寺在萬石太平之中入門有亭俗呼為將士亭以其祀澎湖陣亡將士故名拾級而上有石當戶

鐫玉笏二字寺在半山前有大石環石闌以為庭

下臨深谷

國朝薛登龍秋日重遊中巖詩舊約經旬未忍忘中峯復到值秋涼漱泉松

底詩脾淨支杖峯頭客步強山谷亂雲封裂石海門斜日引歸帆由來梵刹霜天好不憚追歡醉羽

同安縣志

卷之十

寺觀

十四

壽山寺去廈門城東里許俗呼為半山堂以其在市與山之半也

覺性院近薛嶺初甚偉麗不下普照今廢只存數椽

白鶴巖即白鶴嶺有梵室去廈城里許有鶴棲嶺上

故名舊為大道築石為門建石亭於門右巖在亭

南明島上有能詩者過此得野雲度嶺疑歸鶴澗

水流霞想落花二句繪以為圖傳於世由是知名

寶山巖即董內巖在吳倉社後有佛宇地甚幽僻旁

有泉曰聖泉相傳宋幼主嘗掬飲之禾山有四泉

此其一也

瑞眈菴在鼓浪嶼與水仙宮相對舊為天后廟俗為三坵田前臨海後負山小舟直抵其下初甚窄今寺僧募築十數間

日光巖僧舍在鼓浪嶼有石壁立千尺鐫鼓浪洞天四字舊惟石室半閒屋數椽僧瑞球募闢之左為

方丈其上為旭齋又有小洞堪以避暑明丁一中詩一水分

烟嶠沙舟客共登崇巖參佛古仄徑躡雲層途作凭虛觀因逢彼岸僧何能拋絃冕長此覓三乘

逢中菴即紫雲巖去仙巖半里路甚曲折樵溪之水

同安縣志

卷之十

寺觀

五

出焉因溪中石架小橋以通遊屐其下有小洞洞

中泉清而冽勝於他泉其左有洞曰蛟洞蛟洞之

旁有果巖果巖之後有碧蓮寺又過樵溪其高處

有高讀巖相傳為鄭氏讀書處今皆廢國朝黃日紀遊紫

雲巖水洞詩憶昔重陽節曾同此處遊分攜一彈指再到五經秋諸子珠盈掌及翁雪滿頭顏唐久

荒落詩思藉清流莫鳳翔詩五年兩度遊徑古洞仍幽流水杳然去閒雲相與留雞聲深院午蟬噪

暮林秋文酒當時社清風尚可求

荷菴在廈門城北門外嶽廟前池中寬廣約畝餘植

竹為垣通以石橋始為民書屋僧淵博購之為菴

南普陀寺在嘉禾五峯山中五代僧清浩建初名泗

洲宋治平閒改為普照院元至元閒廢明洪武閒

僧覺光復建明季燬於兵 國朝康熙閒靖海將

軍施琅重建改今名宏敞壯麗甲諸寺 明俞大猷詩壁上舊

詩拭目看綱常從昔一肩擔驅馳四十年來事莫報君恩祇自慚又扶桑東去更無山天外浮雲獨

往還劔履半生湖海遍老僧贏得百年閒又借問浮雲雲不語為誰東去為誰西人生蹤跡雲相似

無補生民苦自迷又未工詩字書盈壁待得正時事若何欲寫心中無限事不論工拙不論多也顯

方詩十年古刹幾輕灰重見天花散講臺野露吹人疑結雨松風刮地每驚雷一泓碧水和雲下萬

點青山擁海來若問箇中真普照峯頭夜半日輪開國朝陳光榮五老雲峯迴海濤峯迴海繞護禪

同安縣志

卷之十

寺觀

三

林崔巍紺殿千尋峻宿靄蒼巖六月陰壯觀自應

雄鷺島佳名端不讓梅岑 落加山舊市舶喧歷聲

漸遠支筇一為洗塵襟